

譚友夏合集目錄 卷十九

嶽歸堂已刻詩選

五言律

憶五弟正則

道逢饑人候賑官不至

送魏二十九舅之承天

送章德開美二兄北遊兼寄李屯田

抵白下尋林茂之

同彭舉子丘茂之看春遇雨

逢潘景升

二月十八日彭舉茂之同予葺理園林其明

日子丘送予入園

登清涼臺

園

三月三日懋清招登雨花臺

除竹

同耳伯雨宿唯心菴

齊王孫屢招入社不赴作詩謝之

送陳荆生

得家書二首

其二

自園中移永慶寺

病中同茂之尋菩提場

贈馬巽甫

與吳從聞夜坐

伯敬孟和茂之叔敬同坐河上

又晴

讀陳白雲遺詩

題鍾叔敬居易新齋

造乾之北菴不值值吳彥先一宿而去

寄懷吳康虞二首

其二

寄懷林子丘

寄南中諸子

散步

送茂之南還

同王明甫過謝吉父

雨夜念茂之江上二首

其二

代書答伯敬燕中五首（有引）

讀伯敬鄴中歌至安有斯人不作迹小不爲

霸大不王霸王降作兒女鳴無可奈何中

不平且賞且歎遂得一首

伯敬以新刻陳昂集見寄并所作陳昂傳

書中甚惜吳兆湯因二山人之死

喜商孟和得馬仲良館胡昌昱得張金

銘館

書云李長蘅清真佳士貌絕似友夏尤奇

伯敬舊有連珠小玉章甚可愛書言頃已失

之惋惜異常形于夢寐乃復購向手刻大

小玉章十枚

鍾伯敬兄弟見過二首

其二

夏夜

聞伯敬泰和遊期

夜過野菴

將離九峯答無易先生

下第後答寄朱公無易

漢口大風

江發

劉旦寅邀遊寒溪西山

卓刀泉謁關祠

憶諸弟

送黃美中還江夏

其二

奉贈朱郡伯無易

月夜鄖歸道中得蔡敬夫先生札子約至辰

州且問入成均消息蓋公曾有夢予詩又

索魯文恪墨蹟將以所書陶集歸之綴其

事于馬上成三首隨箋奉答（選其一）

寄吳康虞

歸菊寄舍弟

新歲赴蔡使君辰州

沙市逢袁述之王天根

連雨

宿桃源縣水樓

雪後

晴夕宿華嚴菴

過龍陽二湖

雨中舟進

春深

贈同行僧

方廣（有梁海惠尊者洗鉢石在泉中）

廟雨

齋僕詩爲懷刺持戒作

從澗上玉虛巖作

洞庭湖

夏日送諸弟郡行

秋日客高裏之竹柏軒在古陽春臺旁

遊西山歸示孟誕先

舟出南溪尋鴻漸第三泉留別羹中卜公緩

之

南京與伯敬相見

同唐宜之入鷺峯寺作

訪郭聖僕同伯敬

陳友夏合集 卷十九 目錄

譚友夏合集 卷十九

嶽歸堂已刻詩選

竟陵 譚元春友夏著

五言律

憶五弟正則

一事忽不樂。五弟知何如。臨別曾相訂。未痊當寄書。幸因書不達。遙揣病當除。寂坐賓筵上。魂驚夜叩閭。

道逢饑人候。賑官不至。盡說君門遠。皇仁荷有司。三年生寇盜。百里至衰疲。足以嗟重繭。心能憤漏卮。來臨違故事。愚賤敢申詞。

送魏二十九舅之承天

眼看我舅氏。茲度出門艱。見樹知村落。無波是鄧山。〔時大水後〕舟行秋色外。人往雁聲間。郡邑何嗟遠。甥將東出關。

送章德開美二兄北遊兼寄李屯田

兄弟愁何并。之京風雨裝。途中行一月。馬上度重陽。勞者歌無闕。歸歟歎必長。故人如問及。身正作孤蔭。

抵白下尋林茂之

霧蓋蔣陵天。先尋古巷邊。寄書非晤後。拜母在交前。地闊狂名小。人歸幽事傳。高齋殘雪竹。相見亦欣然。

同彭舉子丘茂之看春雨遇雨

含嬉未肯出。攜手奈朋何。雨後尋車馬。春先入綺羅。梅傳花信到。簾隔豔情多。惱亂惟今日。林鶯漸有歌。
逢潘景升

曲巷驚相識。十年遊楚顏。喜深無一語。坐久始開端。俱歎飛鴻翼。同收墮馬鬣。高情兼遠趣。勸我到黃山。

二月十八日彭舉茂之同予葺理園林其明日子丘送予入園

移床先淨穢。淨訖入林中。散步驚殘白。凝眸窺小紅。跡拚三月匿。徑許數君通。來莫全看竹。主人殊不同。

登清涼臺

臺與夕陽平。同來爲晚晴。隔江山欲動。半壑樹無聲。艇子遙歸浦。菴僧近掩荆。烟嵐處處合。殘興尙能清。
園

反鎖燕園裏。孤尋徑徑嘉。柔條青過草。初葉放如花。燕到寒無幾。鳶來雨共斜。午眠能適意。不肯夢歸家。
三月三日懋清招登雨花臺

此日宜臨水。偏尋郭外山。草能如柳綠。鶯似讓鷗閒。賴有晴光助。莫愁歸路艱。雨花臺上好。全在夕陽間。
除竹

萬竹須臾盡。其如客舍何。山從此際見。月比舊時多。影斷寒塘水。虛通隔嶺歌。要知終悵望。無處避人過。
同耳伯雨宿唯心庵

念君容易去。來傍佛龕眠。雨響三更後。山寒薄暮前。溼能增樹色。暗定結江烟。行遍無窮寺。茲庵若有禪。
齊王孫屢招入社不赴作詩謝之

亦覺王孫雅。招搖道廣時。偶因園禁足。若爲社攢眉。花落花開事。春陰春盡詩。閒將揀數友。來爾小山嬉。
送陳荊生

從前漫相識。近自友邊聞。眞朴無由道。余心方重君。歸懷衝疋馬。畫意入奇雲。五月焉知到。閩中山氣紛。
得家書二首

開封心不定。母弟定催歸。何意良朋札。亦言遊久非。湖田秋在麥。河水夜浸磯。堅我遲遲發。家人幸未饑。

其二

尺素愁相續。家書不厭長。石頭雖逆旅。漢口易舟航。未向來人悉。先知老母康。所交敦古道。說此十餘行。
自園中移水慶寺

深園通客徑。久住卽無幽。鐘磬引人徙。鶯花難我留。知非朝暮計。欲避往來儔。僮僕私相謂。何時反復州。
病中同茂之尋菩提場

僻徑渺無際。君來約細尋。香花行處是。老樹到門深。抱病生閒思。逢僧長慧心。有誰送歸路。返照與啼禽。
贈馬巽甫

肯復輕還刺。能來過我先。因知良友晤。多是往生緣。高欲爭鍾阜。清如寄惠泉。相逢時苦淺。猶幸及歸船。
與吳從聞夜坐

幾度換居亭。惟求戶反扃。龕塵僧出院。塔響鳥銜鈴。子謬推三益。予叨長數齡。幸從禪理入。文事尙空靈。
伯敬孟和茂之叔靜同坐河上

人家將盡處。已卽接孤村。水落沙邊渡。天寒川上原。各分衰草坐。相對夕陽言。羣動息歸路。山房明月存。
又晴

不能成雨雪。陰氣自當歸。昨夜空山外。烏鴉無故飛。雲開晴在嶺。霜重曉生扉。幾處人爭曝。猶然寒上衣。
讀陳白雲遺詩（翁避難金陵。織屨賣卜。有人誦其詩。輒從旁哭。）

痛哭當時意。其言豈望傳。過情君子恥。微顯古人然。兵火離家日。饑寒織屨年。胸中常湛朗。一世眼光邊。題鍾叔敬居易新齋

幾回留此地。動靜必同君。近日嘗齋獨。山光兄弟分。園仍蔬一半。徑但葉紛紜。亮有高明見。尙其尊所聞。造乾之北菴。不值值吳彥。先一宿而去。

有約亦何人。相逢如此難。賴茲僅意洽。能使客心安。松小風吹壁。水明星下灘。此中迎送者。俱冒異鄉寒。寄懷吳康虞二首

向人無不道。公信自高貞。齋日佛相與。衰年山有情。出遊尋澗坐。得句遶墩行。憶罷追隨事。牕中湖月明。其二

高人豈問窗。交爾祖兼孫。一飯知無益。寸心猶可原。寺逢看塔語。江失上舟魂。不第遊情有。重逢未敢言。寄懷林子丘

寂寂楚江事。搖搖朋好情。聞君不得意。爲我未成名。有約母同望。無書弟寄聲。扁舟暫難發。諸累在家生。寄南中諸子

作客東園久。文成烟雨親。一驢同近遠。幾劄向宵晨。此後多相憶。當時非有因。明年江水小。來看藕花新。散步

無事出門望。沿湖過小齋。漁船霜共薄。鳬網月相乖。農理重茅屋。僧投寒水涯。不知何所切。亦覺動予懷。送茂之南還

君家事頗悉。肯不速君歸。同樂見帆了。孤吟與浪依。裝成白門薄。身過漢川微。曠野良朋遠。惟餘一掩扉。雨夜念茂之江上二首

一從上舟後。風雨未曾停。凡子路相阻。皆予心所經。近春江氣活。傍岸梅花靈。萬想馳遙夜。子然留此形。其二

風雨相終始。心知未秣陵。頻年千里雪。殘臘一江燈。舟子歎常有。家人卜屢憑。大都關念處。驚悸諒同增。同王明甫過謝吉父

起從城上看。城外水光明。漸近伊人宅。園門開晚晴。竹陰殘雨落。簾影一階平。歲暮此中隔。全無歌吹聲。

代書答伯敬燕中五首（有引）

九月十四日。江黃遊返。得伯敬六月書。書與詩各滿十紙。讀不易竟。竟卽復讀。遂與累幅。不舍晝夜。以至客到。迎送憤如。搜其要者。筆而爲詩。語之至者。揖伯敬于其前也。

讀伯敬鄴中歌。至安有斯人。不作逆小。不爲霸大。不王霸王。降作兒女。鳴無可奈何。中不平。且賁且嘆。遂得一首。

曾疑鄴中事。快讀鄴中歌。不有憐才意。其如定案何。韻高生險怪。氣結怨蹉跎。屑屑談香履。英雄所感多。伯敬以新刻陳昂集見寄。并所作陳昂傳。

永矣白雲詩。讀君傳可知。餓開山水眼。泣發古今悲。俗久譏衰鳳。人將重仗龜。褒揚先晦辱。持論有何私。書中甚惜吳兆湯因二山人之死。

豈能太平世。草莽一人無。次序收其最。傍徨恐至孤。詩非安苟簡。卷不釋斯須。肯似生存者。冥然車馬途。喜商孟和得馬仲良館胡昌昱得張金銘館。

德色勝于饑。貧交不易依。肝腸吾愛汝。館穀至如歸。何有四公子。能知一布衣。世情從古薄。莫以厚爲非。書云李長蘅清真佳士貌。絕似友夏尤奇。

聞道李生久。兼知亦慕予。膚清原可厭。惟肖獨何與。畫已將詩有。神能令貌如。他年誰後死。優孟免躊躇。
伯敬舊有連珠小玉章。甚可愛。書言頃已失之。惋惜異常。形于夢寐。乃復購向手刻大小玉章十枚。
南十攤私印。忍從北地遺愛。憐君久矣。惆悵我同之。繳物常徵厚。清人不厭癡。玉章金滿篋。新故動深思。
鍾伯敬兄弟見過二首

君來當我歸。忘却此廬非。雨過桑麻覺。月分榆柳微。遙舟與歌往。時鳥帶啼飛。自信無人入。盡開南北扉。
其二

草堂無不素。茗粥以爲歡。旱月春溪變。涼風夏雨難。夢惜古人別。歸問客中安。冉冉斜陽裏。良朋影莫殘。
夏夜

此處果星月。南方聞薄雷。安知今夜雨。不過一邨來。案帙慎新漏。溪苗正昨栽。良非山可比。天意幸加裁。
問伯敬泰和遊期（癸丑燕中寄詩云。玄嶽須相待。金陵莫便行。）

名勝如玄嶽。遊寧遠近殊。普天皆禮謁。其類有招呼。境內漸登晚。岩間慮杖孤。自然君信士。相待語非誣。
夜過瑩庵

暮始尋庵剎。秣緣扉尙開。秋聲隨步去。月影與林來。戀磬立青草。先僧坐碧苔。最於流水便。倦則一舟回。
將離九峯答無易先生

是公相送入。招復出荒岡。情思去來際。耳根聲影旁。近秋通月性。每夜吐松光。若果懷神理。應非山所藏。
下第後答寄朱公無易

窮山甘久住。泉月達秋礎。歸後湖如改。愁中天屢陰。自憐常失意。還問舊知音。于此嗟蹉跎。諒非君子心。

漢口大風

風雨秋全有。江程不可拘。誰能險處險。忍此孤舟孤。燈黑雁聲疾。氣涼蓮子枯。寒溪何處是。烟樹自爲滄江發。

童子一漁竿。看人江上寒。離湖葭蕀斷。出市水烟寒。客裏晴相得。愁中秋易殘。徐徐雙槳落。風止洩雲乾。劉旦寅邀遊寒溪西山

日落湖光動。江流烟物微。情閒隨路去。行緩數峯歸。二寺交幽磬。一樓容澹暉。太平劍花死。石上但苔衣。

（上有吳王試劍石）

卓刀泉謁關祠

萬松如有意。聲冷漢侯祠。幽隱臨泉得。靈光入境知。真禪能久照。大勇必弘慈。休咎紛相瀆。精詳無厭時。憶諸弟

伯氏南還後。始知兄弟馴。全家皆可友。閉戶豈無人。明月花棚夜。長河柳岸春。時傳慈母語。勿得遠遊頻。

送黃美中還江夏二首

驅馬歲將終。繁霜下爾躬。用情野老處。行路古人中。不屈仍高筆。相宜是舊衷。月郊寒未徹。深夜望晴空。其二

臨河曾夜步。路細浦沙平。重過苦思處。自然新恨生。出蔬明圃道。考牒養遊情。主客俱難必。予常山水行。

奉贈朱郡伯無易

春初來此客。一鶴便風聞。寄想山川別。低頭牒訴勤。衆皆言有母。鄰欲以爲君。請望郡樓內。無非白兆雲。月夜鄖歸道中得蔡敬夫先生札子約至辰州且問入成均消息蓋公曾有夢予詩又索魯文恪墨蹟將

以所書陶集歸之綴其事于馬上成三首隨箋奉答（選其一）

霜夕衣裳薄。逢人是遠將。照書星月下。含緒道途旁。無嫁青樓理。仍爲閨閣藏。向君呈古意。肯作盛年傷。

寄吳康虞

自由燕入楚。失意定南歸。間說數年老。常縫萬里衣。歲添新事送。月放衆生肥。我亦僧來往。香櫟共一扉。

歸菊寄舍弟

孤舟菊所依。舟返自先歸。見此黃無改。知予寒尙微。更因曾伴侶。須異衆芳菲。置在亭東次。明年記密稀。

新歲赴蔡使君辰州

別梅上道路。年鼓緒風沈。晴在半村屋。雪知千里心。憶人成內媿。隨意住天陰。杳杳閒踪跡。將因青草深。

沙市逢袁述之王天根

松杉城外路。雨雪沙中期。春色何曾滿。故人同在茲。寺從今夕靜。書寄隔年知。款款一瓶側。水香梅落遲。

連雨

家家雨掩門。行子欲何言。無益山川晦。徒成天地尊。烟深入墮馬。雲密雀迷村。久矣斜陽少。春光安忍論。

宿桃源縣水樓

一樓春水向。身忽宿漁舫。孤燭風烟動。翠微波浪騒。冥心終夜迥。無語曉星高。夢惜仙人去。此生何太勞。

雪後

風烟一以斂。四際杳無分。溪好晴非日。峯邊白亦雲。險夷行失次。深淺照同文。獨往心多悟。光清若使聞。

晴夕宿華嚴菴

高山新月就。敢不及時看。漸夜天如去。方晴春未寒。行常隨襍被。眠亦爲峯巒。待曉披衣出。烟鐘且莫殘。

過龍陽二湖

枉山離數日。寬狹一舟移。渚動江沙落。湖安溪水遲。橘洲恨芳草。魚稅到鷗鷺。懷意不能訴。洞庭吾所之。

雨中舟進

新晴娛上已。過此又如前。港氣知花正。雷聲入水圓。湖窮仍兩岸。舟迴只高天。意已無卑濕。孤懷春悄然。

春深

如此雨兼風。我愁春易終。地寒隨客久。天濕與江同。口燕飛生病。林鶯去若空。似青實碧處。人其在其中。

贈同行僧

可憐顏倍臘。心力佛前枯。放去禽魚外。從行笠鉢無。入舟添爾靜。因伴悟身孤。相倚五峯上。虎狼來亦俱。

方廣（有梁海惠尊者洗衲石在泉中）

日下寺峯靜。水流橋路深。清暉向前去。奇影自相沈。以我倚松意。知師洗衲心。聲光融萬物。不獨在長林。

廟雨

不聽下山雨。何知山簪難。游情成委曲。天意示波瀾。塔蟲動新濕。松禽變夏寒。此身衰俗內。入廟敢求安。

齋僕詩爲懷刺持戒作

肯向舟僧學。江聲共木魚。身微歸果報。山返動清虛。可見佛兼愛。深慚主不如。此中無異理。恭謹但當初。

從澗上玉虛巖作

後上窺前上。如猿綴一溪。幽幽生物役。側側有神棲。水鳥飛明影。山花界遠倪。竦然清聽久。非夜亦難齊。

洞庭湖

夏淺湖心伏。不分天水非。新帆隨數點。好鳥擇邊飛。日光難逼。江湘氣盡歸。客舟空此汎。孤似嶽僧扉。

夏日送諸弟郡行

亦有家居際。間看汝遠行。林塘新雨後。車馬夜涼情。兩日途無幾。萬端心盡生。始知吾久客。諸弟念難經。秋日客高裏之竹柏軒在古陽春臺旁

大人秋似浴。枕簟有蛩心。相入鄰家古。竹從來路深。吹燈明遠火。止笑愛微吟。坐盡昏兼曉。古台無不陰。連西山歸示孟誕先

必自寒溪返。青蒼非一情。涼螢光草色。微磬立泉聲。又有江邨火。映予山路行。懷坡亭上望。寂寂覺前生。舟出南溪尋鴻漸第三泉留別美中卜公綏之

河流明一縣。斜港屢通村。不厭故人送。能將往跡言。暗泉新月事。遙火野舟魂。陸子吾鄉里。茶心終古存。南京與伯敬相見

與汝同鄉里。思之必遠行。友朋惟故物。經史是平生。勞不全從衆。閒當一出城。昨宵非有月。淮水坐來明。同唐宜之入鷺峯寺作

客路我先到。蔬園君易行。用禪養餘力。留病伴長生。家只隨身去。歎常無事成。先投佛一拜。冉冉數年情。訪郭聖僕同伯敬

齋心閒日夜。亦未理桑麻。世上瓜俱老。庭前豆乃花。六時經課女。三代器爲家。所急非人急。吾知念物華。